

孚惠全書

平惠全書卷五十六

京廠常賑

雍正十三年十二月二十五日奉

上諭京城有善濟堂二處育嬰堂一處收養無依之窮民及拋棄之嬰孩由來已久其經營之人實心行善有存孤恤老之風從前

皇考曾兩賜帑金並

錫溫綸以往義舉今朕即位廣沛恩膏而輦轂之下樂善良民執行不怠朕心嘉悅三處各賜銀五百兩以助其養贍之費著內務府即行給發並將朕旨宣諭知之

乾隆二年九月二十二日奉

上諭京師輦轂之下民人衆多更有外省失業之民來京覓食者定例於十月初一日五城設立飯廠十處以濟貧乏朕思今年通值歲閏天寒較早閏九月十五日便是立冬節令恐待哺貧民不無凍餒之患著加添半月之期於閏九月十五日即行開廠不必拘十月初一之例都察院堂官可督率五城御史稽查經理實心任事務令小民均霑實惠

乾隆三年三月初八日奉

上諭五城煮賑向例於十月初一日起至次年三月二十日止朕因上年閏月早寒曾降旨加賑半月以廣恩施今賑期將滿天氣漸熱貧民衆多不

便聚集一處自應散歸種地漏工各務本業但停賑之日恐不免乏食之虞朕心深為軫念著每名再行賞給口米一斗以資前路食用交五城御史司坊官按照食粥人數散給毋致遺漏並嚴防胥吏冒領等弊務令貧民均霑膏惠

十月十四日奉

上諭每年十月京師五城設廠煮粥以濟貧民今歲米價昂貴恐小民乏食者多著照常年設廠早半月之期於九月初半後舉行該衙門即速辦理

乾隆四年三月初十日奉

上諭五城散賑例於三月二十日停止貧民自應散歸本籍各務農業上年曾降諭旨每名賞給口

米以資歸途食用今年停賑之日若照上年之例仍按食粥人數每名賞給口米一斗勸諭速歸本土勿誤春耕可傳諭都察院知之

乾隆十六年三月初九日奉

上諭今歲京師米價昂貴又係閏年春寒未解若照常年之例停止煮賑誠恐窮民難於餬口著加恩於限外再賑一月

乾隆二十四年十月十九日奉

上諭今歲近京地方夏間得雨稍遲收成未能一律豐稔時值初冬節氣屆暮視往年較早現在五城設廠煮賑貧民就食者必多朕心深為軫念著加恩每廠每日加給米一石俾得寬裕煮賑以資

優恤但向未賑廠專在外城地面一時赴食之民
道路遠近不均今米石既經加給應並於城內酌
量分廠一體通融散給俾得均霑實惠著都察院
揀派御史十員內務府及各部亦各派賢能司官
十員會同妥協經理步軍統領衙門不時派員照
料稽察其內城分設各廠並著公同相度奏聞辦
理

乾隆二十五年正月初七日奉

上諭前已降旨加增米石於五城分廠煮賑現在
時屆春融而貧民就食者尚多著再加恩於內城
新設各廠內每廠每日加給米一石俾得寬裕煮
賑仍著原派在廠各員妥協經理務使窮黎均霑

實惠

三月十八日奉

上諭前經降旨於五城內外增設煮賑各廠並添
給米石俾就食貧民得資餬口今該御史等摺奏
三月二十日例應停賑朕念現在春田雖得透雨
而麥秋未屆正值青黃不接之時著再加恩內城
展賑十日南城展賑十五日城外展賑二十日以
示軫恤

乾隆二十七年九月十九日奉

上諭京師時屆冬月五城設廠煮粥俾無業貧民
得資餬口今歲近京收成稍歉四鄉貧民赴廠就
食路遠既不無向隅人眾亦易致擁擠著加恩於

五城例設各廠外每城各再添設一廠於東壩廡
溝橋黃邨清河樹邨五處照舊章程一體安辦再
增派滿漢科道各五員會同五城御史督率司坊
官悉心經理毋許胥吏侵扣滋弊俾赴食者均霑
膏惠其都察院堂官仍不時自往稽察副朕於念
窮黎至意該部即遵諭行

御製降旨添設五城粥廠詩以誌事

壬午

連歲流臻滂災較昨年甚截漕五十萬濼區供炊
任五城有常例冬令賑粥瀆念茲饑饉多如傷膏
切腹宣命信數施遠邨計口原例設舊廠並傳各
國令四邨各倍志臣時體察侍史其勲德寧辭濟
其數以便支給塔志臣時體察侍史其勲德寧辭濟
與畿庶救轉登凍調暮之良方恒愧吾心審

十月十八日本

上諭京師五城冬月煮賑雖已降旨加恩於附近四鄉增廠散給比間村落就食之人比城內較多所有每日額支米石恐尚不敷用著再加恩每日各廠各加米一石其中各廠人數不齊或將在城之歲餘協濟在鄉之不足著都察院堂官等通融酌劑善為經理務俾貧民並需膏惠副朕軫念至意該部速行

乾隆二十八年二月十四日本

上諭前經降旨於五城內外增設煮賑各廠並添給米石俾就食貧民咸資餬口但向年俱於三月二十日停止朕念現在雖屆春和而時值青黃不

接貧民生計猶未免拮据所有今歲五城內外各
廠者再加恩展賑一月以示軫恤

御製降旨加展粥廠賑賑期

州縣極次貧賑期其常例五城設粥廠以補賑不
逮州縣賑既加粥期可獨置申命概加展四月下
旬暨言念連歲滂吾民實彫弊救不遺餘力猶恐
鮮實際愧無調變方違有損益計

三月初五日奉

上諭此項存貯餘米不必歸入例賑數內散給所
有四月二十日以前應用米石仍准按例赴支俟
賑期已竣將此餘米通融籌酌接濟俾貧民復多
得數日之賑不亦可乎

四月初十日奉

上諭前經降旨於五城內外增設煮賑各廠並於
例賑之外加辰巳至四月第念此時雖屆清和而
麥北尚在有待著加恩再行展賑一月俾貧民得
資餬口以示矜恤

御製復命五城粥廠加展賑期

畿輔連歲澇渴望茲麥秋即令又慮早展轉增予
憂負汲子墜井其疾可弗求歲凶民道饑所致必
有由善賑已加月五分災並賑近城分設廠煮粥
資貧流麥登未可知養給其安投復命展賑期五
月末姑北無德致休微那更靳待善嗟我之食民
徒跣懇垂恤人事惟補苴莫若

天恩周顛祈雨麥田庶膏少濟下

乾隆三十三年二月二十三日奉

上諭方觀承奏乾隆二十七年賑恤案內所有應
扣建曠日期及粥廠內有接賑二十日經戶部駁
令刪除懇請一體准銷一摺在該部議駁原係遵
照成例辦理但據方觀承所奏地方急賑本有扣
足一月之例而粥廠亦以京師五城煮賑未停是
以隨同接辦亦屬地方實情國家嘉惠閭閻遇有
偏災無不格外從優體卹此案該督既經通融等
辦自毋庸據例斥駁所有應扣建曠日期及應刪
減二十日本薪等項均著如恩准其開銷

乾隆三十五年十二月初十日奉

上諭聞今歲五城內外粥廠貧民就食者較多所有例給米石恐不敷用著加恩每廠每日再增米一石以資煮賑

乾隆三十六年十月初九日奉

上諭京師五城每歲設立粥廠每廠日給米一石贍給貧民現在已經開廠窮黎自可就食第念今年秋間雨水稍多近京間有被滯之處收成不熟較薄其距京稍遠鄉民艱於赴廠未免向隅著加恩於近京四鄉地面約計三四十里許再行添設四廠交都察院於各廠奏派滿漢科道二員輪流駐被稽查妥協經理毋任吏胥侵漁滋弊俾各鄉民均霑膏惠

乾隆三十七年二月初八日奉

上諭五城內外煮賑各廠向年俱於三月二十日
停止第念去歲近畿被水之處收成稍歉今雖時
屆春和尙在青黃不接之際入市米糧未能充裕
貧民口食恐猶未免拮据所有現在五城內外各
廠著再加恩展限半月俾就食貧民益需惠澤副
朕軫恤至意

乾隆四十年九月二十五日奉

上諭京師每屆冬令五城設廠煮賑三個月今歲
因係閏十月經都察院奏准於閏月朔開賑第念
十月望日已交立冬節天氣漸覺溼寒貧民口食
未免稍覺拮据所有五城煮賑著加恩於十月十

五日為始俾得早資果腹不致凍餒副朕惠愛窮
氓至意各該衙門遵諭即行

乾隆四十四年十月二十四日奉

上諭京城廣寧門外善濟堂冬間貧民較多所有
經費米石恐不敷用著加恩將京倉氣頭廩底內
較好之小米撥給三百石以資接濟

乾隆四十五年十月初五日奉

上諭京城廣寧門外善濟堂冬間貧民較多所有
經費米石恐不敷用著加恩將京倉內之小米曾
給三百石以資接濟

十一月二十五日奉

上諭今歲五城內外粥廠貧民就食者較多所有

例給米石恐不敷用著加恩每廠每日再增給米一石以資煮賑副朕軫念貧黎至意該部即遵諭行

乾隆四十六年正月二十日奉

上諭五城內外粥廠前於例給米石外業經加恩每廠每日增給米一石以資煮賑但向年各廠俱於三月二十日停止恐其時貧民就食者尚多著再加恩展賑半月以示優恤該部即遵諭行

十月十六日奉

上諭京城廣寧門外普濟堂冬間貧民較多所有經費米石恐不敷用著加恩將京倉內之小米賞給三百石以資接濟

乾隆四十七年十月十四日奉

上諭京城廣寧門外普濟堂冬間貧民較多所有經費米石恐不敷用著加恩將京倉小米賞給三百石以資接濟

十一月二十日奉

上諭京城德勝門外功德林冬間貧民就食較普濟堂人數雖減但常例賞銀一千兩經費雖恐不敷著加恩將京倉內小米賞給一百五十石以資接濟

乾隆四十八年十一月十二日奉

上諭京城廣寧門外普濟堂冬間貧民較多所有經費米石恐不敷用著加恩將京倉內之小米賞

給三百石以資接濟

乾隆四十九年十月十六日奉

上諭京城廣寧門外善濟堂冬間施捨貧民所有經費米石恐不敷用著加恩將京倉內之小米賞給三百石以資接濟

乾隆五十年十月十五日奉

上諭京城廣寧門外善濟堂冬間施捨貧民所有經費米石恐不敷用著加恩將京倉內之小米賞給三百石以資接濟

乾隆五十一年九月二十日奉

上諭京城廣寧門外善濟堂冬間施捨貧民所有經費米石恐不敷用著加恩將京倉內之小米賞

給三百石以資接濟

乾隆五十二年九月二十九日奉

上諭京城廣寧門外善濟堂冬間施捨貧民所有經費木石恐不敷用著加恩將京倉內小米賞給三百石以資接濟

乾隆五十三年十月初九日奉

上諭京城廣寧門外善濟堂冬間施捨貧民經費木石恐不敷用著加恩將京倉內之小米賞給三百石以資接濟

乾隆五十四年九月二十二日奉

上諭京城廣寧門外善濟堂冬間施捨貧民經費木石恐不敷用著加恩將京倉內之小米賞給三

百石以資接濟

乾隆五十五年九月初六日奉

上諭京城廣寧門外善濟堂冬間施捨貧民經費
木石恐不敷用著加恩將京倉內之小米賞給三
百石以資接濟

乾隆五十六年九月二十四日奉

上諭京城廣寧門外善濟堂冬間施捨貧民經費
木石恐不敷用著加恩將京倉內小米賞給三百
石以資接濟

乾隆五十七年閏四月十一日奉

上諭向來京師冬春之際五城及善濟堂俱設廠
煮粥以濟貧民一屆融暖例即停止第念現在近

畿一帶尚未得有透雨雖業經降旨加恩平糶尚恐京城及附近覓食貧民餬口維艱著五城順天府再行煮賑一月並著都察院堂官及該府尹等不時前往查察勿使胥吏從中滋弊以副朕恤貧祈澤至意

六月十一日奉

上諭大學士九卿議覆紀昀奏請撥直隸截漕米石在京分廠煮賑一摺所議尚未周到朕軫念災區豫籌民食本年因直隸被旱各屬二麥較收節經降旨緩徵借糶並截漕五十萬石俾資接濟現因應賑百姓赴京就食者較多酌籌分廠煮賑所需僅止數千石不過截留漕糧百分之一大學士

九卿議如所奏在直隸原截漕糧內扣出撥給殊屬見小所有京城需用賑米竟毋庸在直隸截留漕糧扣撥即著動用通倉米石速行撥廠分賑以資災民口食該督務須督飭所屬核實稽查俾得均霑膏惠不致一夫失所毋任地方州縣吏胥刻扣侵肥以副惠愛黎元有加無已至意

二十九日奉

上諭前京南諸府雨水短少二麥較收貧民赴京覓食者多令於五城展煮粥賑俾資糊口但念本年直隸被旱地方稍廣各處貧民開設粥廠自必紛紛就食人衆既恐致擁擠而相距路遠者或不免向隅著加恩照乾隆二十七年之例於五城例

設各廠外在離城三四十里鎮集處所添設五廠
照舊定章程一併妥辦並增派滿漢科道各五員
著留京辦事王大臣揀選派出不必送來引見會
同現任五城御史督率司坊官悉心經理至就食
人數既多所有每日額支米石恐不敷用並著加
恩每廠每日加米一石其中人數不齊或將在城
之贏餘協濟在鄉之不足著都察院堂官等善為
酌劑仍不時稽察毋令胥吏侵扣滋弊俾赴食者
均霑實惠以副朕軫念窮黎有加無已至意

二十九日奉

上諭現因京南被旱地方無業貧民就京覓食者
較多特令五城添設粥廠煮賑現在駐蹕熱河恐

口內貧民出口至此者必多自應特沛恩施俾得均霑位渾著承德道府等的量設廠糶米煮賑使乏食民人得資口食並著實力稽查妥協經理務俾均霑膏惠以副朕軫念民依有加無已至意

九月初八日奉

上諭京城廣寧門外善濟堂冬間施捨貧民經費木石恐不敷用著加恩將倉內小木賞給三百石以資接濟

乾隆五十八年三月初七日奉

上諭上年因直隸順德廣平大名三府並保定河間天津等府屬被旱成災無業貧民至京就食者多曾降旨於京師五城內外設廠賑濟現屆三月

賬期將竣雖各該處屢次得雨麥苗亦經播種齊
全但距麥收尚遠青黃不接之時貧民生計猶艱
餬口無資著再加恩展賑一月以資接濟仍著都
察院堂官董飭五城並監放賑務之各該御史妥
協經理以副朕行慶施惠有加無已至意該部遵
諭即行

九月二十九日奉

上諭京城廣寧門外善濟堂冬間施捨貧民經費
米石恐不敷用著加恩將京倉內小米賞給三百
石以資接濟

乾隆五十九年九月三十日奉

上諭京城廣寧門外善濟堂冬間施捨貧民經費

木石恐不敷用著加恩將京倉內小木賞給三百石以資接濟

乾隆六十年二月二十九日奉

上諭京師五城飯廠定例應放五個月零二十日
本年係閏二月應於閏二月二十日停止但現在
天氣尚寒距麥收之期較遠若遽行停止故賑恐
無業貧民難以糊口所有本年五城飯廠著加恩
展至三月二十日停止以示朕施惠貧民有加無
已之意

平惠全書卷五十六

字惠全書卷五十七

蠲除積逋一

雍正十三年九月二十三日奉

上諭各省民欠錢糧十年以上者均於恩詔內概予蠲免其餘未完民欠尚係應徵者朕懋緒方初惟當懋述我

皇考惠養黎元之至意俾服疇力穡之人均沐恩膏積逋全釋若木蠲免之項尚事徵收民間不無煩擾茲特再行降旨於恩詔外將雍正十二年以前各省錢糧積欠在民者一併寬免從前江南積欠錢糧內曾有官侵吏蝕二項乃從民欠中分出者比時差往大臣官員辦理原不妥協亦著照民

久例寬免此朕仰體

皇考誠求保赤之仁深願吾民厚生正德之意各
省軍民人等身受國恩至渥自應感動天良屏除
陋習明守法奉公之大義循則壤成賦之常經共
為良民克追呼之優累倘疲玩性成不知後改則
吾民中最高為愚頑之人既無畏威之念亦鮮懷德
之心國法具在朕亦不能為之寬貸也

十月初七日奉

上諭據果親王奏奏江南等省漕項蘆課及學租
雜稅等銀亦係雍正十二年以前之民欠似可照
例豁免特行請旨等語朕思此等欠項實係應免
者果親王分晰詳明據實陳奏甚屬可嘉著全行

豁免並令嗣後遇有恩詔俱將各項入於豁免之內永著為令

二十六日奉

上諭朕前降旨將雍正十二年以前各省民欠錢糧悉行豁免查直隸州縣有旗退地畝及入官地畝俱由地方官徵收租項歷年既久拖欠頗多向雖不在恩詔蠲免之內然旗銀與地丁名色不同其為民欠則一著將雍正十二年以前旗退地畝租銀及入官地畝租銀租糧一併加恩豁免

十一月十八日奉

上諭朕即位之初加恩海內民人已降旨將雍正十二年以前各省民欠錢糧悉行蠲免俾閭閻無

催科之擾因查兩淮鹽場竈戶應徵折價錢糧亦
有未完之項當與民人一體加恩者著該部即速
傳諭總督趙宏恩鹽政高斌將雍正十二年以前
舊欠若干一一查明照地丁錢糧例奏聞蠲免俾
竈戶均霽實惠毋使胥吏滋弊中飽

十二月初八日奉

上諭向來漕項銀兩不在蠲免之例朕前已降旨
特行豁免以紓民力今查各省尚有帶徵漕米原
應如期輸納但民間已完現年漕米又完先年糧
徵之米民力未免艱難著該部傳諭辦漕各省該
督撫等將雍正十二年以前未完帶徵緩徵本色
改折米銀逐一查明奏聞豁免

初八日奉

上諭朕前降旨該部令傳諭江南督臣將雍正十二年以前兩淮場課舊欠查明奏聞蠲免今朕聞兩浙山東福建廣東諸處各有舊欠場課鹽折銀兩事同一體宜並施恩著該部傳諭各該督撫查明奏聞一體豁免

十七日奉

上諭朕臨御以來加惠元元將雍正十二年以前各省民欠錢糧悉行寬免誠以民為邦本治天下之道莫先於愛民愛民之道以減賦蠲租為首務也惟是輸納錢糧多由業戶則蠲免之典大概業戶遺恩者居多彼無業貧民終歲勤動按屋輸糧

未被國家之恩澤尚無公溥之義若欲照所蠲之數履故除租繩以官法則勢有不能徒滋紛擾然業戶受朕惠者十旬指其五以分佃戶亦未為不可近聞江南已有嚮義樂輸之業戶情願指免佃戶之租者閭閻興仁諫之風朕實嘉悅其令所在有司善為勸諭各業戶酌量寬減被佃戶之租不必限定分數使耕作貧民有餘糧以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非指修公項之比有司當善體朕意虛心開導以興仁諫而均惠澤若彼刁頑佃戶藉此觀望違延則仍治以抗租之罪朕視天下業戶佃戶皆吾赤子恩欲其

均也業戶需服之恩使佃戶又得拜業戶之惠則
君民之心彼此體卹以人和感召
天和行見風雨以時屢豐可慶矣

乾隆元年正月十八日奉

上諭甘省百姓連年承辦軍需急公踴躍甚屬可
嘉

皇考屢沛恩膏朕亦深加體卹上年間有缺雨歉
收之州縣已諭該撫加意撫綏務令貧民得所除
散賑米穀外所有借給口糧籽種之類例應欽此
徵還者著悉行賞給免其還項該督撫通行曉諭
並飭有司實力奉行毋使胥吏土棍侵蝕中飽

十八日奉

上諭朕聞甘省自康熙三十四年起至五十七年止因供應喇嘛賑濟貧民以及軍需脚價買備駝馬等項借動銀糧議定扣捐官役俸工運項迄今未經完補銀糧尚有八萬七千餘兩朕思俸工銀兩所以賞給官役為養贍之資者在文職各官有養廉一項雖俸銀捐解尚不至於拮据至營伍將備以及吏役人等或全行扣抵或捐七留三必至於艱窘此項未完銀糧若照舊扣解尚須數年方得清楚現今官吏未免匱乏深可憫卹著該部即行文該省督撫將未完銀糧八萬七千有零自乾隆元年為始停其扣捐以示朕加惠甘省官吏之至意

三月十五日奉

上諭肅州威虜堡回民自遷移內地以來我
皇考世宗憲皇帝格外加恩撫綏妥插查雍正七
八年間伊等曾借倉糧一千二百餘石以作籽種
年來收穫之糧止數日食未能運補公項朕思內
地民間舊欠既已豁免回民亦應一體加恩著將
七八兩年所借小麥一千二百九十九石二斗悉
行寬免該督撫可轉飭有司實力奉行毋使胥吏
中飽俾回民均霑實惠

乾隆二年正月初五日奉

上諭雍正十二年以前各省未完錢糧已於恩詔
內悉行豁免查各省截留漕船有應追之銀未下

在恩詔豁免之內但念旗丁近年以來尚屬急公
効力其從前掛欠之項事隔數年此時責令全完
未免力量艱難著漕運總督補照詳悉查明將雍正
十二年以前各省截留漕船應追行糧漕贈盤
耗等項除已完外其未完者准照丁地錢糧之例
一概寬免以示朕格外加恩之至意

七月二十一日奉

上諭查康熙四十五年等京通各倉泥爛米石甚
多以足修理臨座核減銀兩大通橋掣欠並坐糧
廳虧空案內各役透支腳價共銀二百餘萬兩題
明於官役名下分賠又請據倉場侍郎題明運役
應賠銀兩於運進京通各倉拉運腳價內每年扣

除二成帶銷運項其倉役應賠銀兩於祿米十一倉倉夫抗運脚價內每年扣除六成運項於舊奏二倉倉夫脚價內每年扣除八成帶銷運項雍正九年內經戶部查奏奉

皇考恩旨將倉場官員虧空豁免而各役應賠銀兩因運備寬餘未准豁免除朕思此項虧欠歷年已久各役已經更替前人作弊而於後人名下扣還未免滋累且雍正十二年經鄂善奏明將運備核減而帶銷銀兩仍令賠還情稍可憫著將各役未完銀兩悉行豁免使伊等均霑恩澤此項既經寬免嗣後運役脚價即照雍正十二年鄂善奏明核減之例支給其倉役抗夫脚價照倉場原議以五

成給發令倉場侍郎等嚴飭所屬員役務須恪遵
功令毋蹈前轍著戶部即遵諭行

九月二十八日奉

上諭滇省安寧等地方上年收成數薄朕屢降諭
旨令該督撫悉心籌畫多方經理以濟民食除蠲
除錢糧外並將分作三年帶徵之秋糧全行豁免
俾閭閻無違呼之憂但聞滇省有夏稅一項久經
以麥改米同秋糧並徵今秋糧既免而夏稅猶分
年完納恐小民難以分別輸將而官役又易於從
中滋弊非朕加恩邊民之至意著將上年數收各
屬夏稅共麥花豆折徵米一萬八千二百六十四
石七斗零共米折徵銀四千八百五十四兩五

錢八分永北府未完帶徵奉一百四十一石急予
豁免該撫張允隨可即宣朕此旨通行傳諭並飭
有司確審遵行毋使不肖官吏及地棍人等侵蝕
中飽

十月十三日奉

上諭雲南省之昭通東川元江普洱四府內新開
夷疆人稀土曠從前曾經募民間墾借給銀兩令
其分年完納至今尚有未完銀一萬八百六十餘
兩朕思滇省去年收成較薄閭閻生計艱難已經
將乾隆元年應徵地丁錢糧俱行寬免以紓民力
夫正供尚且蠲除而開墾風通猶令追繳窮黎拮
据朕心深為軫念著將滇省未完開墾借給銀兩

悉行豁免以示朕加惠邊氓之至意

十八日奉

上諭太原滿州官兵前於雍正九年移駐寧夏其
家口有多支口糧銀米現於各名下分年坐扣朕
思該官兵等皆藉月餉養贍現今太原米價昂貴
若將從前多支之項坐扣伊等未免艱難著將太
原滿州官兵未扣銀米悉行豁免俾得從容度日
以示朕加惠戎行之至意

乾隆三年三月十四日奉

上諭據元辰成奏稱寧夏府屬之寶豐新渠二縣
前奉恩旨將雍正十二年以前民欠豁免緣兩縣
民戶已將應完十三年之正糧儘納十二年之舊

欠是以復欠十三年之額徵銀三萬兩有奇現在設法徵催而民力維艱予語朕思兩邑招墾新戶安業未久所欠十三年額賦既因儘納舊欠致虧正額令又新舊並徵未免拮据朕心深為憫念特格外加恩將雍正十三年以前舊欠悉行豁免其乾隆元二兩年有未完正額錢糧著分作十年帶徵以紓民力可傳諭戶部知之

二十五日奉

上諭湖北沔陽州地勢低窪為諸水匯歸之地以貳田畝坍塌淤漲靡常小民苦樂不均積有逋賦迨雍正十二年該督題請文明按察在地畝輸納民累頓除但未經清丈以前有雍正十三年未完

銀四千六十餘兩乾隆元年未完銀八千一百餘兩車係被水淹浸之地無力完糧者官吏仍事催科窮民不免敲朴深可憫念者將此兩年未完之項急行蠲免以息閭閻嗷呼之擾

十月初三日奉

上諭直隸地方上年穀收今秋又有被水之州縣朕心軫念已多方籌畫加意撫綏查雍正十三年乾隆元年二年分地方尚有未完之錢糧又有緩徵停徵之項此皆將來分年帶徵者朕思連年畿內薄收應格外加恩以資休養著將各屬未完及緩徵停徵之項急行蠲免以示優恤

初三日奉

上諭今年上下兩江雨澤愆期收成最薄朕夙夜焦勞多方籌畫賑賑兼施務俾閭閻不至失所而上江地方被災比下江又為較重查雍正十三年乾隆元年二年分安徽所屬有未完地丁釐課及米穀奏支等項例應將未分年帶徵者著該督撫出示一併豁免以除日後輸將之累乾隆二年江蘇所屬江甯鎮淮揚徐海七府州縣屬有被水顯明蠲徵停徵銀米等項亦著該督撫出示豁免以紓將來之民力昭朕軫念民艱逾格加恩之至意該部遵諭速行

十一月二十九日奉

上諭朕因畿輔一帶收成最薄已加恩格外將雍

正十三年乾隆元年二年分地方未完之錢糧及
緩徵停徵之項將未分年帶徵者悉行蠲免以資
休養查宣化永平等各府州屬徵收錢糧有銀兩
木豆兼徵者有專徵木豆本色及草束者其木豆
等項若有未完亦係地種民欠所當一體加恩概
予豁免以省閭閻將未追呼之擾再旗地畝及
入官地畝所有租銀租糧實在民者著總督孫
嘉淦確查明白一併蠲免該部可即行文傳諭知
之

十一月十一日奉

上諭乾隆元年曾借給瓜州回民籽種糧八千石
口糧四千石並腳價銀二千二百七十餘兩原定

議於豐收之時分年交還乾隆二年大學士查郎
阿奏稱曰民所收穀石僅數本年食用所有應交
公項力量艱難懇請寬期一年再行交納朕已降
旨俞允今聞本年口外收成仍非大稔曰民遭積
未久家鮮蓋藏若責令完公下無積儲之若朕撫
恤曰民原欲令其安居樂業永享昇平此所之行
種口糧腳價若仍留為分年帶完之項伊等心中
籌及每歲輸將不免多所顧慮非朕恩養邊民之
本意著將此項糧銀全行豁免大學士查郎阿等
可即遵旨出示曉諭俾曰民等永霽膏惠

乾隆四年正月十七日奉

上諭雲南勳莊變價一案尚欠銀一千八百二十

九兩零間此項田地屢被水衝沙壓難以耕種水
變各戶早經逃散無可著追頗為地方之累著將
應追未完銀兩准予豁免該部可即行文該督撫
知之

二十七日奉

上諭據侍郎班第等奏稱寧夏所有滋生本銀二
萬兩又利銀八千餘兩俱已借給官兵請分為五
十個月扣完但現有應扣駝價及借支藩庫收拾
軍器銀兩應請將此二項應扣之銀暫行停止等
語此次寧夏地震甚重與尋常被災者不同朕心
深為憫念前已降旨將寧夏寶豐新渠等處新徵
舊欠俱行豁免其滿州官兵所有應扣駝價及借

支藩庫收拾軍器二項銀共一萬九千八百餘兩
悉著豁免至所借生息銀兩可分為五十個月扣
清但生息銀兩係永遠裨益之項不可空缺今因
一時急需借給官兵者班第等將動用何項銀兩
即行照數補足以資生息之處妥議辦理奏聞餘
俱照班第等所請行

三月初六日奉

上諭前岳鍾琪派撥寧夏官兵一千名移駐涼州
旋因駐涼兵丁已足數用將此兵撤回所有領過
青銀一萬七千兩欽奉

皇考諭旨暫免追繳俟大軍凱旋之後再行奏聞
請旨令大學士查郎阿具奏請旨前來朕思兵丁

等所領青銀歷年已久此時料難繳還况寧夏地方去冬被災尤當加恩撫恤此所欠應繳銀一萬七千兩悉著豁免該督等可即出示曉諭衆兵知之

初八日本

上諭據大學士查郎阿等奏稱寧夏鎮標分營各營舖生息銀兩自上年地震後查被災甚重之各營舖所領生息本銀共計八千五十七兩零其雖經被災貨物未致全失之各營舖所領生息本銀共計四千五百四十兩零可否分別加恩寬恤持此請旨等語朕念寧夏此次地震商民同時受災深為憫惻著將被災甚重各商所領八千五十七

兩之本銀並利銀俱著豁免其被災稍輕之各商
止今交還所領本銀四千五百四十兩所有應交
利銀悉著豁免至此項豁免銀兩有聞兵丁緩急
之需不便缺少著在蘭州藩庫內照數撥補足額
以資生息俾兵民一體均霑恩澤

十二日奉

上諭據安徽巡撫孫國璽奏稱宿州鳳臺靈璧石
埭等四州縣上年雖未被旱但查有未完雍正十
三年乾隆元年二年錢糧均係從前災緩之項例
應現在分年帶徵又舊欠錢糧之隨徵耗羨及被
災所屬內尚有未完乾隆元二兩年災緩漕糧亦
係帶徵之項其成災之太平銅陵壽州貴池桐城

涇縣棗縣臨淮懷遠定遠虹縣霍山和州無為望
江青陽當塗繁昌合肥廬江鳳陽霍邱泗州全椒
含山並長淮衛等二十六州縣衛內勘不成災之
田地並上年被旱勘不成災中之潛山宿松東流
等三縣及未經被旱中之歙縣休寧祁門黟縣績
溪建德阜陽宿州衛等各縣衛均有未完各年錢
糧俱應現年催徵非係分年帶徵之項再蘆課向
於每歲冬涸之候始行斫伐是以課賦遞年壓徵
亦非分年帶徵之項合行分晰奏聞等語朕因上
年安徽旱災甚重時深軫念曾降諭旨將所有雍
正十三年乾隆元年二年分未完地糧蘆課及木
穀麥豆等項例應將來分年帶徵者悉行豁免今

宿州鳳臺靈璧石埭四州縣雖未被旱所有未完
雍正十三年乾隆元年二年錢糧亦係從前被災
緩徵之項現在分年帶徵與江蘇各屬被災緩徵
等項相同著一體加恩豁免其舊欠之隨徵耗羨
並被災各屬帶徵乾隆元二兩年之災緩漕糧著
遵照前旨俱隨正項豁免至成災之太平銅陵等
二十六州縣衛內雖尚有勘不成災之地畝而收
成亦屬較薄且農民工本較之常年自必多費所
有舊欠錢糧現在催徵小民未免苦累著該撫查
明一併豁免其未經被旱及勘不成災之各州縣
雖稍有收成而介於成災之區仍不免於物力艱
難所有催徵舊欠錢糧亦著加恩分年帶徵以紓

民力再虛課除係遞年壓徵之項照例徵收外如有舊欠力不能完應行豁免者仍著照前旨行戶部可即行文該督撫一一遵照辦理出示曉諭務期著惠均霑以副朕加惠元元之至意

十二月初八日奉

上諭陝西榆林一帶地土寒薄居民貧乏向來百姓所借倉糧因歲數力不能完者俱蠲

皇考施恩寬免自雍正十二年至乾隆二年榆林神木葭州懷遠府谷綏德清澗米脂吳堡定邊靖邊十一州縣民借未完常年倉穀四萬四千三百七石零米五千六百一十二石零應於今年徵收還項朕思今年西安等處雖屬有秋而榆林等十

一州縣未見聖諭該處地既瘠薄又有本年應徵之正賦邊民難以一併輸將深可矜念著將此一州縣民借未完之常平米數急行寬免以昭格外之恩著該督撫即速出示曉諭俾小民均霑膏惠毋使奸胥土棍侵蝕中飽

乾隆五年十二月十六日奉

上諭山東蒲臺縣地畝向因科則互異於雍正十三年題明丈量後經丈出瘠薄地並缺額荒地共四百四十二頃有零其應減應除之賦一千九百餘兩已經降旨豁免惟是瘠薄段則地內有乾隆元年未完銀一千一百四十七兩零因係舊欠不應在豁免之數至今尚在催追朕念瘠土窮黎艱

於輸納可為軫念著格外加恩一體豁免以紓民力該部可即遵旨行文山東巡撫等知之

乾隆六年正月初十日奉

上諭乾隆二年八月間福建閩縣侯官等處遭值風災居民困苦朕已加恩賑恤務令得所更借給倉穀二萬六千餘石銀五千四百餘兩令其分年陸續交官以清公帑數年以來除有力之民已經清完外尚有閩縣侯官長樂連江建寧五縣未完穀五千七百七十四石零未完銀一千二百八十六兩零實因五縣被災較他邑獨重而乾隆三年五年該地方又值歉收疫氣民力輸納維艱是以懸念至今未楚朕心軫念著將此項銀穀全行豁免

免俾閭閻無違呼之擾得以肆力於春耕該部可
即傳諭該督撫知之

五月十五日奉

上諭福建臺灣地方上年秋間缺雨收成較常數
薄聞今春以來米價日漸昂貴小民謀食艱難而
納課尤為竭蹶查臺灣縣自雍正十三年起至乾
隆三年未完人丁正雜錢糧餉稅銀共二千二百
一十六兩零未完供粟共四萬三千七百一十石
零鳳山縣乾隆三年未完人丁正雜錢糧餉稅銀
共三百五十六兩零又未完四五六等年帶徵三
年分被災官莊銀四百三十六兩零未完供粟五
千一百四十七石零諸羅縣乾隆元年起至三年

未完官莊銀共四百三十九兩零未完供東共二千六百三十二石零此皆多年舊欠今若責償於儉歲之後民力未免拮据朕心軫念特沛恩膏概行豁免至乾隆四年以後未完銀粟統俟本年十月成熟之後再行徵收庶追呼無擾力量寬舒海疆百姓共受蠲賦緩徵之益該部即遵諭行

平惠全書卷五十八

蠲除積逋二

乾隆七年二月十六日奉

上諭朕愛養黎元旰食宵衣惟恐薄海內外有一
夫不獲其所邊徼疲乏之地尤所歷念不惜沛恩
施於常格之外因已屢降諭旨矣頃思甘肅一省
地處西陲民貧土瘠前此頻歲軍興嗣復連遭亢
旱雖去年各屬內有收成稍稔之州縣而民間元
氣未能遽復加意培養正在此時查自雍正六年
起至上年春夏止各屬民欠借糧積至一百一十
四萬餘石例應按數徵收以清公項但思小民當
積困之後若將新舊糧石一時並徵恐因竭蹶輸

將以鼓生計窘迫非朕撫綏培養之本據著將雍正六年至十三年借欠之項一概蠲免其乾隆元年以後借欠之項從壬戌年為始分作六年帶徵至涼州西寧二府所屬之武威平番永昌古浪西寧碾伯等六縣乃甘省最苦寒之處上年又被旱災深可憫惻昨已降旨將此六縣民欠額糧草束等項分作三年帶徵今既加恩通省將雍正十三年以前舊欠悉行蠲免此六縣民欠雖在雍正十三年以後而被地民力艱難甚於他邑著將此帶徵之項一併蠲免以昭朕加惠邊氓之至意

五月二十七日奉

上諭甘肅涼州府屬之柳林湖肅州所屬之三清

灣柔遠堡毛目城雙樹墩九壩等處各屯民戶舊
借牛具口糧共銀八萬一千八百七十餘兩原請
自乾隆二年起分作五年帶徵迨今年限已滿除
已完外柳林湖未完銀二萬七千七百八十餘兩
三清灣柔遠堡未完銀八千六百一十餘兩毛目
城未完銀五千八百二十餘兩雙樹墩九壩未完
銀二百七十餘兩粟米一十五石二斗零白麩五
千四百九十九觔例應如數催徵完納者又查口
外之西安柳溝布隆吉沙州衛等處屯民原借牛
具口糧共銀五萬七百八十餘兩糧二萬一千四
百四十餘石除已完外安西衛未完銀一千二百
六十餘兩柳溝布隆吉未完銀八十餘兩糧二百

七十餘石沙州衛未完銀三萬五千五百四十餘兩糧八千三百一十餘石亦應如數催完者朕思此等屯戶原係招徠窮民素無蓄積自開墾以來若遇年穀豐收尚可完繳舊項倘值收成歉薄則力量維艱應加體恤况此借欠之項乃屯民領借製備牛具口糧以為公田之用非小民自種地畝者可比今歷年已久帶徵為難若加恩全行豁免以息違呼之擾該部即傳諭該督撫知之

七月二十六日奉

上諭今年糧船北上時通值河水淺涸各船盤剝加緯竒多繁費運丁力量艱難只得借支庫銀以為歸途之用將未照例扣除完項查江西南昌等

幫借銀四千四百兩江南興武等幫借銀一千七百零四兩揚州等幫借銀一千七百九十二兩朕念今歲運丁艱苦甚於往年著將所借銀兩悉行寬給免其扣還此係格外之恩後不為例該部即傳諭倉場侍郎漕運總督知之

八月十二日奉

上諭朕御極以來愛養黎元於蠲免正賦之外復將雍正十三年以前各省積欠陸續豁免除以息民間追呼之擾今查雍正十三年正月起至十二月江蘇安徽福建三省未完民欠正項錢糧銀共一十七萬七千六百七十四兩六錢零甘肅福建江蘇等三省共未完民欠正項米豆糧共九萬五千

二百六十九石零甘肅省民欠未完正項草一百七萬四千二十一束零又直隸江蘇安徽甘肅廣東福建等六省民欠未完雜項錢糧銀二千九百二十四兩零福建省民欠未完雜項租錢四百四十八石零此等拖欠各項歷年已久多係貧乏之戶無力輸將况江蘇所欠獨多目今彼地現被水災待恩撫恤豈可復徵逋負若將以上各項悉行豁免若諭旨未到之先或有續完之項即咨部扣除再查江浙兩省尚有雍正十三年未完漕項銀七萬一千二百七十兩零米二萬九百四十四石零麥四千三十七石零豆一百八十五石零向米漕項不在豁免之例今既蠲除各項著將漕項一

體免徵此旨到日各該督撫可即出示通行曉諭
並令各州縣官實力奉行務令閭閻均霑膏惠倘
有不肖有司朦混私比或蠹沒土棍欺隱中飽等
弊該督撫即行嚴奏密拏從重治罪著交該部速
行

乾隆八年六月初十日奉

上諭直隸各屬雍正十二年以前民欠錢糧已於
恩詔內寬免惟有慶都靜海冀州武邑四州縣民
欠米穀共一萬一千九百餘石向經部議以係出
借之項不在寬免之例朕思此項歷年已久尚事
追呼小民未免苦累著一體開恩悉予豁免俾窮
黎均霑惠澤該部即遵旨行

九月初五日奉

上諭上年八月內降旨將江蘇安徽福建甘肅直隸廣東浙江等省雍正十三年分未完民欠地丁漕項一切銀米加息豁免今聞福建閩縣等處向有寺祖歸公一項原係廢寺田畝入官收租完糧雍正十三年分尚有民欠未完租稅四百餘石因係另案造報未獲一體邀恩朕思寺祖雖屬另案題報之項但窮佃無力輸將事同一轍所有閩縣古田霞浦寧德四縣十三年民欠寺祖著加恩一併寬免該部即遵諭行

十二月初九日奉

上諭前因川省松潘引多茶壘故將天全州之積

引改撥成都彭灌等縣行銷每年空繳引張賠納
稅課官商交累乾隆六年朕降旨開除成都彭灌
三縣積引四千四十九張並課稅銀二千四百一
十七兩二錢從乾隆七年為始官商均受其益惟
是乾隆七年以前之羨餘截角尚屬拖欠成都有
未完銀五百六十五兩二錢彭縣有未完銀四百
三十兩九錢六分零灌縣有未完銀一千二百九
十七兩九錢二分零川省茶商皆本微薄無力復
完舊項朕心軫念著將所有三縣舊欠悉行豁免
以示朕優恤商民之意該部即遵諭行

乾隆九年二月十三日奉

上諭安西提屬卜隆吉雙塔柳溝等處營兵於乾

隆元二兩年屯種恒回素內喂養牛驛馬匹採買
豆草用銀一千八十七兩當時無項可動是以於
屯糧內借給後經該督撫以戊辛寒苦請於九年
秋糧內作正開銷部議不准朕思此項銀兩已歷
多年當日屯種各兵事故開除正復不少難以責
令現在之兵丁運項著將此項銀一千七十七兩
准於元年秋收糧內扣抵開銷以示朕優卹邊兵
之意該部即遵諭行

三月二十六日奉

上諭乾隆三年寧夏地震被災鎮標及外路協防
兵丁在於寧夏府庫共借支銀一萬三千五百五
十九兩除扣完司庫銀二千六百四十八兩外未

扣完銀高有一萬九百一十一兩現在著追朕思
寧夏自昔年地震之後屢值歉收兵丁倍覺艱苦
可為憫惜且此借支之項已歷數年人多更換難
以責令還項著將未完銀一萬九百一十一兩悉
行豁免以示優恤該部即遵諭行

七月二十九日奉

上諭甘肅涼州府屬之柳林湖肅州所屬之三清
灣柔遠堡等處及口外之安西沙州柳溝布隆吉
等處屯田民人從前開墾之始借有牛具口食銀
兩日久未得全還朕已於乾隆七年五月內降旨
全行豁免惟肅州所屬之九家窰一處當時未經
議及是以尚在帶徵朕思此等原係窮苦之民責

令完納不免拮据者將九家室未完牛具銀一千六十餘兩一體加息豁免以息追呼之擾該部即遵諭行

八月二十二日奉

上諭上年天津河間等處被旱成災朕於常格之外加恩賑恤不使窮民失所今春雨澤又復愆期麥收歉薄朕心更為憂慮幸於五月半後

天賜甘霖通省需渥禾稼豐稔倍常朕為萬民額手稱慶念從前天津河間被災最重之二十六州縣並請報偏災之霸州等五州縣目下秋田雖獲有收恐元氣一時未復著將所借麥種牛力牧費制錢等項悉行豁免俾積穀之區民力寬裕示朕

加恩休養之至意該部遵諭速行

九月二十日奉

上諭涼州西寧等處遠在邊陲民貧土瘠朕所矜念彼地舊欠錢糧在乾隆二年以前民力不能輸納者朕已陸續降旨蠲免查西寧縣尚有未完元年二年馬糧五百四十二石七斗七升實欠在民均係散戶零星力量微薄若照例徵催仍不免於追呼之擾著即行豁免以示優卹該部即遵諭行

乾隆十年七月初一日奉

上諭甘省寧夏寧朔平羅三縣於乾隆三年地震之後借給牛價銀兩以資耕種分作四年帶徵又經展限其力能完納者已如數還項尚有未完萬

餘皆係無力貧民若與本年額賦及帶徵之項一併輸納未免拮据著該部查明加恩豁免以紓民力該部即遵諭行

十月初三日奉

上諭雍正十一年瓜州安插回民開墾地畝募墾渠夫借給牛備口糧例應分年交納因邊民寒苦尚有未經運項銀一千二百餘兩歷年已久貧民應當體卹著照安西等處屯戶未完牛備口糧之例開恩豁免可即傳諭該督撫遵行

乾隆十一年八月二十五日奉

上諭江南海州及沐陽贛榆二縣頻年被水小民生計艱難其應徵地漕銀米已降旨停緩俟屢豐

之後再行分年帶徵惟是積款之巨朕心屢念今歲復遭水患將未即遇豐收新糧舊賦並徵民力仍不免於拮据著將海州及沐陽贛榆二縣乾隆十年以前積欠地漕銀米槩行豁免其淮安分司所屬坐落海贛二州縣之板浦徐清中正荒清臨洪興莊等六鹽場乾隆十年以前未完折價帶徵銀兩亦一體豁免俾溯海災黎得霽膏惠以紓積困該部即遵諭行

十一月二十二日奉

上諭山西大同朔平二府上年被災州縣前經降旨令該撫加意撫綏隨經調任巡撫阿里衮奏請動撥司庫銀二萬六千七百餘兩借給貧民撫恤

老弱此內借給之項例應於秋收後照數催運服
思大朔二府今年雖屬有秋但災數之後民力未
舒又現有應運借過米穀十萬餘石若再追前項
窮黎未免拮据著將借給銀兩通行豁免該部即
遵諭行

十二月初二日奉

上諭山東濟南府屬之陵縣所有帶徵乾隆八年
正耗漕米五千七百九十餘石應於本年完交但
思該縣當積數之後元氣未復本年既有應納錢
糧漕米等項若再催納帶徵之漕米民力未免拮
据著將陵縣應行帶徵八年正耗漕米加恩豁免
此內有已徵在官者准於次年抵納新漕俾小民

均得一體遊恩該部即遵諭行

乾隆十二年正月初八日奉

上諭江南海州沐陽贛榆等處積欠帶徵銀兩已經持恩豁免其隨正耗是例應仍舊徵輸但念該地方積款之餘元氣未復若仍追節年零星耗羨民力未免拮据著將海州及沐陽贛榆二縣並坐落海贛二州縣之板浦徐清中正元清臨洪興莊等六鹽場乾隆十年以前民竈舊欠所有應徵耗羨通行豁免以惠災黎

乾隆十三年八月二十四日奉

上諭直隸慶雲鹽山二縣地瘠民貧從前屢遇荒歉經朕特沛恩膏疊加賑恤並減其稅糧凡屬窮

民一體給以牛種使之漸復元氣今屆開徵之時其無地貧戶若令輸納舊欠情屬可憫所有乾隆九年兩縣被災素內無地窮民借領木運高梁九千餘石俱著加恩豁免以紓民力該部即遵諭行

乾隆十五年正月初二日奉

上諭各省耗羨銀兩以備地方一切工用向因漫無稽考是以條列章程該部歲歲抄察核朕思有正供而後有耗羨耗羨非正供可比其未完之項雖應一體催徵但輸將不無信據朕巡幸所至地方應酌量加恩以紓民力直隸屢經巡歷今春暨秋清蹕五臺命駕河汴明春即當南幸江浙山東亦所必經所有耗羨內直隸山西河南浙江四省未

完銀兩全行豁免江蘇安徽山東三省未完銀兩
蠲免十分之六著該督撫確查實數無令吏胥借
端那抵正耗混淆暗行侵蝕倘有朦混滋弊即行
叅奏從重治罪上司稍有徇隱一併嚴加議處務
使閭閻均霑實惠以善恩膏

乾隆十六年正月初二日奉

上諭朕巡幸江浙間俗省方廣沛恩膏幸昭慶典
更念東南貢賦甲於他省其歷年積欠錢糧雖屢
准地方丈吏祈請分別緩帶以紓民力而每年新
舊並徵小民終未免拮据朕宵旰勤勞如傷在抱
當茲翠華親蒞倍深軫切用善均霑之澤以慰望
幸之忱著將乾隆元年及乾隆十三年江蘇積欠

地丁二百二十八萬餘兩安徽積欠地丁三十萬
五千餘兩悉行蠲免俾官無註誤民鮮追呼共享
昇平之福夫任土作貢歲有常經自有年清年款
江蘇積欠乃至二百二十餘萬兩之多催科下力
有司實不能辭其咎而疲玩成習豈民間風俗之
澆漓尚有未盡革歟朕以初次南巡故特加恩格
外嗣後該地方官務宜諄切勸諭加意整頓其在
小民亦當湔除舊習勉効輸將勿謂曠典可冀屢
邀而維正之供任其逋負也其浙江一省雖額賦
畧少於江蘇而節年以來並無積欠豈犬牙相錯
之地不齊乃至是歟此具見浙省官民敬事急公
之義而江蘇官民所宜懷慚而效法者也朕甚嘉

馬著將本年應徵地丁錢糧蠲免三十萬兩以示
鼓勵各該督撫其仰體朕惠愛黎元之意嚴飭所
屬實力奉行使閭閻咸霽膏惠倘有不肖官吏以
完作之希圖侵蝕察出即行糾參從重治罪並將
此通行曉諭知之

御製免江南積欠二百七十萬及浙江本年正供
三十萬兩省在京臣工具摺謝恩詩以示之

本年

御宇十六年敬勤盟有衣日久虞或懈願事勵無
逸祇此保赤使自信始終一際和賴

天庥宜與民休息正供三百萬縣免施恩極念茲
江浙地財賦之所出豈能無水旱曾未新賑郵閭

閭閻如何觀民將成蹕正逢大慶歲

慈寧間六葉兩江積逋多蠲除推一律浙省歲額
充足占民俗皆示嘉量寬徵庶免追呼疾百工佐
予者寰海壽寧謚爾雖懷桑梓予惟責名實但期
一德同言謝均異必在易有至訓惠勿問元吉

初二日奉

上諭朕上年巡幸高洛問俗省方清蹕所經已疊
沛恩膏彰行慶施惠之典但念該撫郭容安不能
體朕保赤殷懷有捐輸辦差之舉而該省紳民踴
躍急公就瞻恐後其歡欣鼓舞之誠不惟無怨而
益肫至今猶為繫念所宜再沛恩施者也其河南
省乾隆十四年以前積欠帶徵緩徵錢糧三十五

萬餘兩者再加恩槩行蠲免俾該省小民催科不
擾蓋宏樂利之休該撫鄂容安務董率有司實力
查辦使閭閻均忘膏惠該部即遵諭速行

初八日本

上諭甘省節年民欠未完銀二十三萬七千餘兩
未完糧一百萬四千餘石往往舊欠未及清償正
額又成積欠每年徒有催徵之名而無輸將之實
經朕傳諭該督撫令其詳悉查辦令尹繼善鄂昌
摺奏此內所有查出胥役侵蝕之項現在照例治
罪勒追至民間積欠為數實屬繁多與其新舊並
徵有名無實不若量請停緩設法清釐等語朕念
甘肅邊土苦寒民力拮据自非腹地可比但逋欠

日積陳陳相因伊於何底著加恩將該省積欠自乾隆十一年至十四年未完銀糧分作五年帶徵如有現准部文帶徵者仍照原限辦理其乾隆元年至十年舊欠銀糧槩與豁免除該省士民倍應感服格外之恩急公輸納該地方官亦須奮力整頓使年清年款不得任其仍蹈故習希冀殊恩可以屢邀也

二十六日奉

上諭朕清蹕南巡道由山左所有經過州縣既已持沛恩膏滋悅懋觀風知連歲有秋視茂辰東巡之時閭閻大有起色為之慶慰尚念該省有積年緩徵帶徵未完投石皆因災出借之項雖遇有收

而按年催比民力不無拮据著將被災借穀應於
庚午年起分作五年帶徵及鄒平等屬帶徵未完
撥共九十七萬五千餘石槩行蠲免以示格外優
恤之至意

二月初五日奉

上諭朕中駕南巡乘時布澤蠲除積欠疊沛恩施
更念江蘇之宿遷等州縣上年被水稍重雖經格
外加賑可以接至春秋該督撫等自督率地方官
按期散給災黎均霑膏惠而清輝所經倍深軫恤
著再加恩將經過之宿遷清河桃源三縣被災貧
民工年借出行種銀兩悉行免其徵運以紓民力
該部遵諭速行

初五日奉

上諭朕愛養黎元惟恐一夫不獲時巡所至疊沛恩膏前已降旨將江省民賦積欠悉行豁免更念江淮竈戶僻處海隅率以煎灑鹽斤為業其生計更窘於農民殊深軫切所有乾隆二年至十四年因災停緩帶徵各未完折價共銀四萬二千餘兩著加恩照民戶例一體豁免俾斥鹵編氓咸霑惠澤該部遵諭速行

二十四日奉

上諭江南揚州府屬之興化縣積淹荒廢田畝幾糧久經停緩後歸冬勘辦理於乾隆九年超按年勘報務擇其元年至八年原緩未完銀米麥石仍

應分別催輸荒戶殊屬拮据朕翠華南巡廣敷惠澤著將此項原建未完銀米麥石一併查明加息豁免以蘇民困該部遵諭速行

四月初六日奉

上諭徐州府屬沛縣瀆河地故近年以來屢被水災所有應徵租銀自乾隆十年起按年勘報蠲豁而九年以前積欠未完租銀以不在勘豁之例仍須照數輸納貧民未免拮据著將乾隆九年以前應徵未完租銀三千一百餘兩一併加恩豁免以示軫恤災黎之意該部即遵諭行

七月十九日奉

上諭川省郭羅克窮番三百餘戶從前所借牛羊

籽種原議收復孳生照數繳還但念該番等僻處
徼外生計維艱若勒限催速愈致拮据著加恩將
乾隆九年借給窮番牛羊籽種銀二千九百餘兩
暨行蠲免以示體卹著該督黃廷桂即行曉諭知
之

十月初四日奉

上諭苑平昌平二州縣及熱河一廳乾隆十六年
分被雹地畝所有應徵未完銀七百餘兩著加恩
蠲免該部即遵諭行

平定全書卷五十八